



GRIJANJE

Javno preduzeće "Grijanje" d.o.o. Zenica, Bilnišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Datum: 05.03.2019. godine

Naš znak: 3270/19

Na osnovu člana 70. i 71. Zakona o javnim nabavkama Bosne i Hercegovine („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica, Rješenja Ureda za razmatranje žalbi Bosne i Hercegovine Filijala Mostar broj JN2-03-07-1-1776-9/18 od 24.01.2019. godine i na preporuku Komisije za javne nabavke, donosim

O D L U K U

o izboru najpovoljnijeg ponuđača za usluge eksterne revizije finansijskih izvještaja za 2018. godinu

I

Najpovoljniji ponuđač za usluge eksterne revizije finansijskih izvještaja za 2018. godinu, nakon provedenog konkurentskog zahtjeva za dostavu ponuda objavljenog pod brojem obavještenja 1091-7-2-21-3-23/18 od 09.10.2018. godine je

“ORECONS & AUDIT” d.o.o. Zenica, ul. Muftije Šemsekadića br. 14, Zenica

II

Obavezuje se odabrani ponuđač da u roku od 5 dana od prijema Odluke o izboru najpovoljnijeg ponuđača dostavi dokaze o ispunjavanju uslova lične sposobnosti iz pragrafa 3.1.1. tenderske dokumentacije. Ukoliko odabrani ponuđač dokaže da ispunjava ličnu sposobnost biti će mu ponuden Ugovor o nabavci usluga eksterne revizije finansijskih izvještaja u roku od 10 dana od dana dostavljanja ove Odluke. Zadužuje se Služba za ekonomske poslove – Odjeljenje za komercijalne poslove da u roku od 3 (tri) dana od dana donošenja ove Odluke istu dostavi učesnicima i time ih ujedno obavijesti o rezultatima analize pristiglih ponuda u ovom postupku nabavke.

Obrazloženje

U postupku konkurentskog zahtjeva za dostavu ponuda, pokrenutog u skladu sa članom 14. i 88. Zakona o javnim nabavkama BiH, na osnovu plana nabavke ugovornog organa od 26.12.2017. godine procijenjena vrijednost nabavke je iznosila 8.000,00 KM. Na osnovu obavještenja o nabavci broj 1091-7-2-21-3-23/18 objavljenog na portalu javnih nabavki dana 09.10.2018. godine, za usluge eksterne revizije finansijskih izvještaja za 2018. godinu ponude su dostavili slijedeći ponuđači:

1. BDO BH d.o.o. Sarajevo, sa cijenom od 7.000,00 KM bez PDV-a, rokom izvršenja usluge od 1 dana, predrevizijskim radnjama u trajanju od 1.056 sati i rokom plaćanja od 90 dana.
2. ORECONS & AUDIT d.o.o. Zenica, sa cijenom od 7.000,00 KM bez PDV-a, rokom izvršenja usluge od 1 dana, predrevizijskim radnjama u trajanju od 589 sati i rokom plaćanja od 90 dana.
3. GRANT THORNTON d.o.o. Banja Luka, sa cijenom od 7.000,00 KM bez PDV-a, rokom izvršenja usluge od 3 dana, predrevizijskim radnjama u trajanju od 312 sati i rokom plaćanja od 90 dana.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija za javne nabavke je utvrdila da ponude svih ponuđača ispunjavaju formalno pravne i tehničke zahtjeve ugovornog organa. Svi navedeni ponuđači su dostavili relevantne potvrde kojima potvrđuju da ispunjavaju uslove o preferencijalnom porijeklu domaćeg. Nakon bodovanja ponuda komisija je utvrdila da ponuda ponuđača BDO BH d.o.o. Sarajevo sa osvojenih 100 bodova je prvorangirana i prema kriteriju za izbor ponude (ekonomski najpovoljnija ponuda) ocjenjena najpovoljnijom ponudom. Detalji vezani za vrednovanje ponuda su opisani u Zapisniku o pregledu i ocjeni ponuda.

Na Odluku o izboru najpovoljnijeg ponuđača broj 21140/18-1 od 06.11.2018. godine, ponuđač Grand Thornton d.o.o. Banjaluka, izjavio je žalbu.

Rješavajući po žalbi ponuđača Grand Thornton d.o.o. Banjaluka, Ured za razmatranje žalbi BiH, Podružnica Mostar, donio je Rješenje broj JN2-03-07-1-1738-10/18 od 21.02.2019. godine kojim je usvojio predmetnu žalbu, poništio Odluku o izboru najpovoljnijeg ponuđača broj 21140/18-1 od 06.11.2018. godine, i predmet vratio ugovornom organu na ponovni postupak, pri tome dajući uputu ugovornom organu da u ponovnom postupku ispita sporne ugovore o djelu u skladu sa obrazloženjem Rješenja, te da okonča postupak u skladu sa stavovima datim u predmetnom Rješenju te zakonskim i podzakonskim propisima iz oblasti javnih nabavki.

Ponovnom analizom pristiglih ponuda utvrđeno je da ponude ORECONS & AUDIT d.o.o. Zenica, ul. Muftije Šemsekadića br. 14, Zenica i GRAND THORNTON d.o.o. Banjaluka, ul. Vase Pelagića br.2/IV, Banja Luka ispunjavaju formalno pravne i tehničke zahtjeve ugovornog organa, te da su prihvatljive i mogu biti predmet vrednovanja. Cijeneći ponovo ponudu ponuđača BDO BH d.o.o. Sarajevo, ul. Fra Anđela Zvizdovića br.1, Sarajevo, te uvažavajući stavove iznesene u Rješenju Ureda za razmatranje žalbi BIH, Podružnica Mostar, broj JN2-03-07-1-1738-10/18 od 21.02.2019. godine prema kojem su utvrđene nepravilnosti u dokumentaciji ponuđača BDO BH d.o.o. Sarajevo, ugovorni organ je konstatovao da je ponuda navedenog ponuđača neprihvatljiva. Ponuđač BDO BH d.o.o. Sarajevo je dostavio ugovore o djelu za ukupno 6 lica, koja nisu uposlenici preduzeća, a koji ne uključuju obavezu naručioca da isplati naknadu uposleniku. Ugovorni organ je prema nalogu URŽ-a na temelju činjenica utvrđenih u postupku dokaza u skladu sa članom 104. i 111. stav (1) tačka d) ZINBiH i članu 230 stav (2) Zakona o upravnom postupku preispitao sporne ugovore i proglasio ponudu ponuđača BDO BH d.o.o. Sarajevo neprihvatljivom.

S obzirom da je ponuda ponuđača "ORECONS & AUDIT" d.o.o. Zenica ocijenjena prihvatljivom i najpovoljnijom, Komisija za javne nabavke dala je preporuku direktoru da donese Odluku o izboru najpovoljnijeg ponuđača preduzeću "ORECONS & AUDIT" d.o.o. Zenica, ul. Muftije Šemsekadića br. 14, Zenica.

Na osnovu navedenog odlučeno je kao u dispozitivu Odluke.

Pravna pouka: Protiv ove Odluke može se izjaviti žalba ugovornom organu u roku od 5 (pet) dana od dana prijema ove Odluke.



Handwritten signature
Direktor

Kaknjo Sead, dipl.ing.maš

Dostavljeno:

3 x Ponuđači: BDO BH d.o.o. Sarajevo, Fra Anđela Zvizdovića 1 Sarajevo; ORECONS & AUDIT d.o.o. Zenica, Muftije Šemsekadića 14 Zenica; GRANT THORNTON d.o.o. Banja Luka Vase Pelagića 2/IV, Banja Luka.

1 x Uprava preduzeća

1 x Komisija za javne nabavke